



**HOH SU BOOTH
TABATA 'ON' NA
GOLDEN AGE EXPO**



WWW.SOLODIPUEBLO.COM



SOLODIPUEBLO@GMAIL.COM

**MIENTRAS MINISTER WEVER TA
GABA CUANTO PLACA ARUBA TIN,
E CU MINISTER GERLIEN CROES
TA CLA PA BENDE ARUBA SU
AUTONOMIA FINANCIERO!**



**AVP Y FUTURO A TRAICIONA
PUEBLO CU RIJKSWET HOFA**

Pueblo mester actua y bisa “No na rijkswet”

**CIRCO HERMANOS
SUAREZ TA BOLBE
ARUBA DESPUES DI
18 AÑA**



**AÑA PARLAMENTARIO 2025-2026
FRACCION DI MEP LO
PERCURA PA PARLAMENTO
SEMPER WORDO RESPETA**



CIRCO HERMANOS SUAREZ TA BOLBE ARUBA DESPUES DI 18 AÑA

Sin bestia! Cu show espectacular pa tur famia

Oranjestad – Despues di un ausencia di 18 aña, e prestigioso y renombra Circo Hermanos Suárez un circo di categoria internacional y orguyo di México, ta bolbe Aruba cu un espectáculo grandioso y moderno pa henter famia.

Un punto importante pa enfatiza: Circo Suárez no ta trece animal, no tin ningun show di bestia. Esaki pa sigui cu e realidad y expectativanan cultural y pa evita cualkier critica di parte di organisacionan y persona cu ta contra uso di animal den entretenimiento.

E gran espectáculo ta programa pa cuminsa dia 3 di oktober 2025 situa na Harbour Arena, na retonde di Wendy's na Boulevard, . Actualmente, e promotor di Nice Events Aruba ta ocupa cu tur preparacionnan local pa haci e evento un exito grandi.

E show lo ta un fiesta di union familiar, cu un ambiente pa grandi y chikito cu diferente atraccionnan espectacular y asombroso e.o.cu Payaso, acróbata, trapecista, e famoso ‘globo de la muerte’ cu motocyclistanan espectacular y cu



presentacionnan visual cu lo forma parti di un programa cu ta garantiza hopi risas, hopi emocion, suspenso y un experiencia cultural pa grandi y

chikito.

Aruba lo haya bek un circo cu ta conoci mundialmentr y ta confirma: Circo Hermanos Suárez ta bolbe

Aruba cu tur su magia y alegria pero e biaha aki sin animal.

‘Circo Hermanos Suarez en Aruba, NO te lo puedes perder’

CANDELA RIBA TERENO DI REFINERIA



San Nicolas - Diaranson den oranan di mainta, a drenta informacion cu lo tin candela ariba tereno di e refineria.

Dado momento e candela aki cu lo a cuminsa door di un candela aparentemente di mondi, a cuminsa plama rond.

Candela dado momento a cuminsa yega unda e Solar Panel y aki bomberonan mester a pura pa evita esaki nan sufri daño.

Den tur e incidente aki, un truck ta dañá ariba dje, y lo mester a manda otro na su luga. Kiko y con e candela a cuminsa, ta keda difícil pa compronde debi na e area grandi di e refineria.



Parlamentario Dangui Oduber: MIENTRAS MINISTER WEVER TA GABA CUANTO PLACA ARUBA TIN, E CU MINISTER GERLIEN CROES TA CLA PA BENDE ARUBA SU AUTONOMIA FINANCIERO!

Cada bes nos scucha minister Wever papia nos ta scucha con bon e situacion financiero di pais Aruba ta. Recientemente el a declara cu e prome kwartaal Aruba a ricibi mas di 400 miyon florin extra. E ta 'show off' cu e surplus y ta gaba cuanto placa extra gobierno lo tin e aña aki. Mientras cu pais Aruba tin un surplus di 500 miyon florin, minister Wever ta gaba con bon e situacion financiero ta, pais Aruba ta cumpliendo cu tur e normanan ancla den e Landsverordening Arubafinancieeltoezicht y nos debe ta bahando considerablemente, minister Wever y minister Gerlien Croes ta cla pa bende nos Libertad, bende nos autonomia y bende nos pais pa un sakito di placa.

Pa e sakito di placa cu nan ta bendiendo nos pais lo bay costa

nos a largo plazo nos Libertad y Status Aparte. Ta hendenan cu NO ta kere den nan mes, kere den nos propio forsa, nos propio Arubianonan so por bende Aruba di e forma aki. Ta hendenan cu no tin amor y stimacion pa e pasi aki so por bende nos Libertad sin motibo y sin hustificacion. Ta hende nan cu NO ta balora nos autonomia y Libertad so ta cla pa bende nos barata asina.

Nos a cuminsa cu un accion di firma y lo ta den tur skina Aruba pa asina para e bendemento di nos Libertad y para cu e baby di Geoffrey Wever, Mike Eman y Gerlien Croes cu yama HOFA sigui existi.

Ta importante nos splica kico ta e consecuencianan di un rijkswet pa

nos Libertad:

- Parlamento di Aruba NO por VOTA pa e rijkswet HOFA aki. Ta 150 miembro di Tweede Kamer lo por vota pa e e rijkswet.

- Parlamento di Aruba NO por trece NINGUN cambio den e rijkswet HOFA

- Autonomia financiero ta wordo entrega den man di Consejo di minister di Reino (Hulanda)

- NO por haci cambio den presupuesto SIN aprobacion di Consejo di minister di Reino (Hulanda)

- Aruba NO ta sali nunca mas for di e rijkswet HOFA

Pa tur e motibonan aki nos mester percura pa e ley di reino aki HOFA no bira realidad. Nos por ta chikito, pero nos ta orguyoso di por defende nos Libertad. Aruba a desaroya y crece danki na nos



Status Aparte y Libertad y esaki ta algo cu mester wordo balora y conserva. Nos no por permiti cu 'fly by nights' manera Partido Futuro ta bende nos pais!

UN HOBEN HERIDA DEN KETINGBOTSING NA PIEDRA PLAT



Piedra Plat - Diamars atardi den careda di 6'or polis di Santa Cruz a bay e t-kruising conoci pa e crusada di Weng Kee, unda a sosode un



boksmento entre 4 auto.

Na yegada di patruya di Santa Cruz nan a topa cu e 4 autonan, un



Toyota Mark X, un Hyundai, un Toyota Yaris y esun mas dilanti ta un Toyota Rav.

Na e sitio nos a compronde cu e Toyota Rav tawata pa bay bira na su man robes, esta direccion Sero Pita. Ambulance a wordo solicita, pa e chauffeur di e Yaris cu aunke tawata tin su seatbelt bisti lo a haya algun golpi.

Paramediconan cu a presenta a trata e hoben den e ambulance mes na e sitio, y despues di un control e la baha y tawata musta ok.

Despues cu e ambulance a move, e autonan envolvi a wordo movi y pa asina Forensys cuminsa atende cu tur.

Presentacion y informacion valioso di nos profesionalnan riba tereno geriatrico

HOH SU BOOTH TABATA 'ON' NA GOLDEN AGE EXPO



Diasabra a tuma luga na e ballroom di Hilton e di dos edicion di Golden Age Expo. E expo aki su grupo meta ta adulto mayor y claro cu Horacio Oduber Hospital (HOH) no por a keda afo. HOH su team geriatrico tabata t'ey pa asina contesta tur pregunta cu bishitantenan tabatin. A trece alabes foldernan di diferente topico y malesa cu ta relevante pa adulto mayor manera demencia,

alzheimer, delirio, comemento y mas. HOH na su luga a duna cada bishitante un notepad cu su pen unda nan por a nota tur e informacion valioso ricibi.

Adicionalmente internista y experto geriatrico dokter Sandro Waterloo a duna dos presentacion unda ela comparti tipnan importante pe adulto mayor pero tambe pe

famia y alabes a duna informacion interesante riba e situacion na Aruba compara cu otro paisnan rond mundo.

“Hopi di e bishitantenan a conta nos nan storia; ki situacion nan a pasa aden na Hospital of cerca un miembro di famia. Y na final hopi di nan a menciona di ta contento di e mehoracion den cuido geriatrico na hospital,” Levinia Kusmus, nurse geriatrico a conta.

Segun Internista geriatrico dokter Waterloo e acogida na su charla tabata grandi y uno hopi interactivo unda publico por a haci diferente pregunta y hasta duna feedback riba casonan real di bida cu a wordo presenta. “Mi ta spera cu lo por tin mas



actividad asina pa nos grandinan cu ta un grupo grandi den nos comunidad y cu merece haya mas atencion,” dr. Waterloo a termina bisando.

HOH ta contento cu ta organisa actividadnan specialmente pa nos adulto mayornan pasobra e ta un manera di trece comunidad hunto cu meta pa informa, educa, conseha y brinda

informacion valioso.

Hospital ta spera di por t'ey otro aña atrobe unda cu lo brinda ademas di informacion, tambe oportunidad pa haci test y mas actividad pa nos grandinan.

Masha danki ne team di profesionalnan geriatrico di HOH cu a traha duro pa haci e booth di HOH posibel y exitoso.

PA FALTA DI PREFERENCIA UN COREDO DI SCOOTER ELECTRICO A RESULTA HERIDA

Diamars mainta a drenta informe di un accidente cu hende herida na Cocorobana, mesora a dirigi tanto polis como ambulans na e sitio. Na yegada di e ambulans a bin compronde cu e dama chauffeur di e Kia Celtos no a para pa duna preferencia na un coredo di scooter electrico y esaki a bin dal riba e taira di dilanti banda robes.

E coredo pa evita e impacto fuerte a bula for di e scooter y a cay herida su pia y rudia. E tabata keha di basta dolor y ambulans a atende y transporte pa hospital.



Parlamentario Xiomara Maduro:

AVP Y FUTURO A TRAICIONA PUEBLO CU RIJKSWET HOFA

Pueblo mester actua y bisa “No na rijkswet”

Oranjestad – Parlamentario Xiomara Maduro ta condena e manera cu gobierno di AVP y FUTURO ta maneha e tema di rijkswet HOFA.

Minister Wever no por scapa cara Riba e topico cayente di rijkswet HOFA, ta tristo pa mira Minister Wever purba defende su mes bisando cu “Evelyn a traha 90% di e rijkswet HOFA.” Ta un lastima cu Minister Wever no ta asumi su responsabilidad como mandatario di Pais Aruba pa para pa su actonan cu ta bay contra e derecho sagrado di Pueblo pa ta liber pa dicidi den nan mesun cas.

E 10% mas importante ta di AVP FUTURO

“Si Evelyn a traha riba 90% di e rijkswet mes, e ora Minister Wever mester acepta cu AVP y FUTURO tabata responsabel pa e 10% mas importante cu tabata riba mesa di negociamento entre Aruba cu Hulanda. Contrario na Evelyn cu a informa Parlamento di cada paso cu ela tuma, Minister Wever hunto cu su colega ministernan di AVP y FUTURO a scoge pa traiciona e Pueblo di Aruba. Sin bisa Pueblo nada, AVP y FUTURO a cera deal cu Hulanda y den silencio total, a firma e concepto di rijkswet HOFA y manda esaki pa Hulanda sin bisa Parlamento y Pueblo nada,” Maduro ta bisa.

Un acto di traicion politico Locual AVP y FUTURO



a haci aki ta nada mas cu un acto di traicion politico. “AVP y FUTURO a entrega Aruba su lucha, nos autonomia y e futuro di nos yiunan tras di lomba di Pueblo na Hulanda. Esaki no ta ‘gobernacion ta continuacion,’ esaki ta traicion politico,” Maduro

ta agrega.

Autonomia no ta un ficha pa negosha Ta bisto cu AVP y FUTURO a sacrifica interes di e Pueblo Arubano pa un saco di placa di Hulanda, sin un debate publico, ni un voto parlamentario.

“AVP y FUTURO a entrega Aruba manera un ficha riba mesa di negoshi, y e Pueblo no por keda keto pa esaki,” Maduro ta enfatisa.

Pueblo mester actua y bisa ‘No na rijkswet’

Parlamentario Xiomara Maduro ta haci un yamada na Pueblo di Aruba pa rechasa e traicion aki di AVP y FUTURO, y bisa “No na rijkswet HOFA.” Pa musta malcontento, por yena e formulario cu ta disponibel na Cede di MEP y na e diferente punto unda cu lo colecta firma den diferente districto. “Nos ta depende di e bos y e accion di Pueblo. Firma e formulario, laga bo bos conta. Aruba no ta na benta y nos autonomia no ta pa regala,” Maduro ta conclui.

BOKSMENTO CU BASTA DAÑO MATERIAL NA CATIRI



Catiri - Diamars atardi polis a bay poco panort di e bocht peligroso na Catiri pa un accidente.

Na prome instante polis a pidi ambulance, debi na e impacto fuerte.

E accidente tawata uno unda un Chevrolet Aveo no a regula su velocidad y ta dal hopi duro patras di un Lincoln.

Door di e impacto e Aveo a kibra completamente dilanti, mientras e Lincoln e daño tawata minimal.

Na final ambos chauffeur a bisa di no tawata tin mester di Ambulance.



Danki Aruba!

CAMPAÑA DI MEGA DI ARUBA BANK A KIBRA RECORD DEN SU AÑA DI CELEBRACION



10 di september 2025, Aruba – Aruba Bank ta gradici tur 175 empleado y voluntario, car dealer y motorcycle dealer y cliente cu a deposita nan confianza den e banco durante di MEGA Car

Sales 2025.

E campaña di MEGA di Aruba Bank a kibra tur record di benta di auto durante di su celebracion di 100 aña di existencia! E evento di benta di auto

mas anticipa di tur aña den comunidad a culmina cu un tremendo actividad na Aruba Bank su sucursal na Camacuri caminda cu clientenan por a bishita tur e car dealernan presente, All to Car, Garage Centraal, George's Cycles, Jossy Motors, Motorworld, Stern, Topcar, Toyota, Yrausquin, y Ultimate Automobiles y por a compara oferta, y modelo di auto den un ambiente agradabel y organiza.

Na tur esunnan cu a logra “lock nan deal”, masha pabien!



Aruba Bank ta sumamente agradeci pa e sosten continuo di nos comunidad, y nos partnernan comercial, cu aña tras di aña ta sostene e evento aki.

Keda pendiente pa anuncio di e comprador cu a gana su auto, te na un balor maximo di AWG 100.000, cu lo wordo anuncia dia 30 di september 2025.

Statenlid Rocco Tjon: MINISTER WEVER WEET ALS GEEN ANDER DAT HET BESTUURLIJK AKKOORD NIET BINDEND EN ZEKER NIET DEFINITIEF WAS



In de media vernemen wij uit het verweer van minister Wever dat de rijkswet HOFA, die hij samen met premier Eman met Nederland heeft onderhandeld, voor 90% gereed zou zijn. Hij probeert zich te verdedigen door te verwijzen naar een bestuurlijk akkoord dat door de voormalige premier is ondertekend.

Minister Wever weet echter als geen ander, zeker als voormalig docent aan de Universiteit van Aruba, dat dit bestuurlijk akkoord niet bindend is. Dit blijkt duidelijk uit diverse passages waarin wordt gesteld dat, indien de onderhandelingen niet succesvol verlopen en er geen consensus wordt bereikt, de rente op de leningen weer omhooggaat.

Bovendien heeft minister Wever zich schuldig gemaakt aan twee ernstige schendingen. Ten

eerste door de rijkswet in te dienen zonder de Staten van Aruba hierover vooraf te informeren. Ten tweede door vragen van de Staten, die hierover in verschillende openbare vergaderingen kort voor de behandeling van het concept in de RMR zijn gesteld, niet te beantwoorden of te ontwijken. Dit laatste kan worden aangemerkt als het misleiden van het parlement, aangezien hij de stukken reeds op 13 augustus had aangeboden.

Iedereen die maar een greintje logica bezit, ziet dat het toneelspel van minister Wever en zijn collega's geen stand houdt. Immers, op zijn eerste werkdag heeft hij een ingediende begroting mét advies van de Raad volledig gewijzigd, en heeft hij aangenomen ministerraadsbesluiten van het vorige kabinet, waar hij zelf deel van uitmaakte, stopgezet of teruggedraaid. En nu zouden wij moeten geloven dat hij niets kan doen aan

onderhandelingen die voortvloeien uit een niet-bindend bestuurlijk akkoord? Onderhandelingen die bovendien nog gaande waren en niet waren afgerond!

Minister Wever en zijn partij zijn uitgesproken voorstanders van de rijkswet. Dit hebben zij publiekelijk verklaard. Toon dan volwassenheid en professionaliteit, en eigén de HOFA ook toe. Volgens u is de rijkswet immers uiterst voordelig voor Aruba? Als dat werkelijk zo is, waarom probeert u dit dan af te schuiven op de voormalige premier?

U hebt onderhandeld, en dankzij u trekt Aruba nu aan het kortste eind. Het enige dat uw onderhandelingen tot nu toe hebben opgeleverd, is dat onze autonomie én de fundamenten van onze democratische rechtsorde ernstig in gevaar zijn gebracht.

Parlamentario Evelyn Wever-Croes

AÑA PARLAMENTARIO 2025-2026

FRACCION DI MEP LO PERCURA PA PARLAMENTO SEMPER WORDO RESPETA



Diamars 9 di September a tuma luga apertura di aña Parlamentario 2025 – 2026. Presente tabata Gobernador di Aruba señor Alfonso Boekhoudt, Gobierno di Aruba, Parlamentarionan y demas invitadonan. Pa Parlamento ta un honor semper pa tin e bishita di gobernador y manera custumber e mainta aki, señor Boekhoudt a duna e mensahe cu el a haya di Gobierno na unda ta fiha y/of indica e vision di Gobierno.

Parlamentario Evelyn Wever-Croes a indica cu na momento cu señor Boekhoudt a duna e mensahe tabata un momento pa para keto y reflexiona riba e aña nos dilanti. Un aña hopi importante na unda mester bay para pa e democracia den Parlamento pa nan no kita e autoridad di Parlamento.

Tambe el a indica cu como parlamentario e discurso tabata falta di vision, y direccion, caminda a scucha hopi palabranan bashi. Mas sigur esaki ta debi cu hopi di e maneho ta continua di e Gobierno anterior di Gabinete Wever-Croes manera nan a indica. Tambe nan a indica cu tin algun aspecto cu nan kier explora pero nan no ta concreto riba esakinan.

Fraccion di MEP den Parlamento lo keda pendiente pa mira con Gobierno ta bay duna contenido na e palabranan cu a wordo expresa e mainta aki den sala di Parlamento. Y ta sigura comunidad di por conta cu nan lo tey, pa exigí respet pa Parlamento paso Parlamento ta representa e bos di cada un di e ciudadanonan di pais Aruba.



 OPENBAAR MINISTERIE ARUBA Corte di Prome Instancia 11 september 2025		
Horario	Sospechoso	Acto Castigabel
14.00	Q.J.M.W.	Pro forma. W. ta wordo acusa di posesion di un arma di candela riba 14 di mei 2025. E ta wordo acusa di a menaza tres persona cu morto riba e fecha menciona y di a saca un arma for di un tas y a los varios tiro riba e personanan aki.
14.00	R.J.R.R.	Pro forma. R. ta wordo acusa di posesion, venta, entrega y transporte di marihuana den e periodo di prome di augustus 2024 te 27 di mei 2025.
14.00	D.G.Z.H.H.	Pro forma. H.H. ta wordo acusa di intento di homicidio riba 25 di mei 2025 dor di manda auto cu velocidad halto riba un persona. E ta wordo acusa di posesion di un arma di candela riba 25 di mei 2025 y di e menaza un persona cu morto. Tambe e ta wordo acusa di a intencionalmente destrui vehiculo di e persona riba e fecha menciona.
14.00	A.A.K.K.	Pro forma. K. ta wordo acusa di posesion, venta, entrega y transporte di marihuana den e periodo di prome di mei 2024 te 30 mei 2025.

Minister President Mike Eman y Minister Geoffrey Wever: TA INICIA PROCESO HURIDICO PA CREA FONDO DI INVERSION

Oranjestad, 8 di september 2025 – E ley pa crea un Fondo di Inversion ta prioridad di Gobierno di Aruba. Consejo di Minister a aproba pa Departamento di Legislacion y Asunto Huridico inicia e proceso legal pa haci e Fondo di Inversion un realidad. Crea un Fondo di Inversion ta prioridad pa Gabinete AVP-FUTURO manera palabra den e Programa di Gobernacion 2025- 2028.

Articulo 39 di Ley di Comptabilidad ta prescribi cu un “begrotingsfonds” ta wordo crea via un ley. Cu un concepto di ley inclui e memorie di toelichting, e proceso legal ta inicia pa asina Aruba haya su Fondo di Inversion. E Fondo di Inversion ta un instrumento di maneho di gobierno pa cada aña pone e sumanan publico disponibel y inverti esakinan na beneficio di Aruba su desaroyo.

Como instrumento di maneho e Fondo di Inversion lo facilita inversionnan di gobierno.

Gobierno tin dos rol importante den desaroyo di Aruba. Banda di facilita e condicionnan necesario pa stimula inversionnan di sector priva, gobierno tambe tin cu duna contenido concreto na su rol di haci inversionnan. Inversionnan publico ta crea banda di actividadnan economico ta duna sector priva y inversionistanan internacional e confianza y siguransa necesario pa por sigui inverti den tur sectornan di nos economia. Esaki ta forma parti di e vision y maneho di Gabinete AVP-FUTURO pa duna e beneficio di desaroyo economico nek na comunidad.

Via e presupuesto aproba pa Parlamento di Aruba, fondonan publico lo wordo aloca cada aña den e Fondo di Inversion. Pa 2026 Gabinete AVP- FUTURO lo aloca 50 miyon florin den e Fondo di Inversion. Areean di prioridad ta entre otro inversionnan den embeyecemento di tur districtonan, enseñanza, centro di



Oranjestad y San Nicolas y vecindario, casnan social y pa adultonan mayor, transicion di energia y desaroyo di tereno di e ex-refineria. Via e Agenda di Inversion, cada programa di inversion lo wordo financia cu fondonan publico disponibel den e Fondo di Inversion.

Den creacion di e fondo lo crea e posibilidad pa incorpora Hulanda den un maneho conhunto di e fondo si logra Hulanda su participacion pa medio di

e conversion di e pagonan di e "covid-lening" den contribucion na e Fondo aki.

Durante su bishita na Hulanda den e dianan aki Promer Minister mr. Mike Eman lo sigui planta e concepto di cooperacion aki cu Hulanda. Tambe lo mira si un cierto momento no por yega na un Fondo di inversion pa henter Reino pa cubri inversion, pero tambe pa crea reservanan pa momentonan di eventualidad y contratiempo manera

Covid.

Cu huramentacion riba 28 di maart, Gabinete AVP-FUTURO den un esfuerzo colectivo ta trahando hunto pa ehecuta e Programa di Gobernacion 2025- 2028.

Crea e Fondo di Inversion ta prioridad di maneho y ta bira un realidad pa inverti fondonan publico cada aña den desaroyo di nos comunidad segun minister Geoffrey Wever.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Apertura di Aña Parlamentario

MINISTER WENDRICK CICILIA: AWO ARUBA TIN UN GOBIERNO DI PUEBLO Y PA PUEBLO

Oranjestad- Diamars mainta, 9 di september, tabata e inicio di Aña Parlamentario nobo. Minister mr. Wendrick Cicilia hunto cu demas coleganan minister di Gabinete AVP-FUTURO, miembronan di Parlamento y diferente director di institutonan di Aruba tabata den Parlamento di Aruba pa presencia e discurso di Gobernador di Aruba SE drs. Alfonso Boekhoudt.

Minister Wendrick Cicilia a enfatisa cu e palabra cu mas a destaca durante e discurso ta: “prosperidad comparti”, pa motibo cu pa shete aña largo a exclui nos comunidad di un miho calidad di bida

y a negligha nos pais pa falta di inversion. Gabinete AVP-FUTURO a dicidi cu e recursonan financiero, e placa di pueblo, mester bay bek pa pueblo pasobra awo tin un Gobierno cu ta di pueblo y pa e pueblo. Por mira cu e liñanan grandi di pensamiento di Gobierno di Aruba ta pa comparti prosperidad, mehorando e experiencia di bida di nos hendenan, pensionadonan ta haya aumento y esnan cu tin mester di un asistencia social ta hay’e.

Ademas a introduci e ‘minimumuurloon’ y por mira tambe cu a aparta mas di 50 miyon pa inversion den nos pais. Loke Gabinete AVP-FUTURO kier enfoca riba



dje ta pa eleva e experiencia di bida di nos hendenan y alabes inverti den nos pais. Loke ta importante, for di e angulo di turismo, ta cu e maneho nobo ta enfoca riba diversificacion di e mercado pero mas importante ta pa percupera cu e prosperidad di turismo

tin un impacto positivo directo pa nos hendenan, nos autenticidad y tambe den conservacion di nos naturalesa.

Pa loke ta trata maneho di labor, lo keda enfoca pa ataca e escasez laboral y na mes momento empodera y

fortifica e posicion social, economico y legal di esnan cu ta eherce labor na Aruba. “Nos ta sumamente orguyoso di loke nos a logra caba, nos tin un Gobierno di pueblo y pa pueblo”, asina Minister Wendrick Cicilia a finalisa bisando.

DEPARTAMENTO DI CULTURA ARUBA INVITA PA ENCUENTRO MONDIACULT 2025

Departamento di Cultura Aruba (DCA), hunto cu Gobierno di Aruba, ISLA.X y UNESCO Aruba National Commission, ta invita tur interesadonan pa participa den Encuentro Mondiacult 2025, cu lo tuma lugar:

Dia: Diabierna, 12 di september 2025

Ora: 9:00 AM – 12:00 PM

Localidad: Crisis Management Office (CMO), Wayaca 33-E, Oranjestad

E encuentro aki ta duna

oportunidad pa contribui na e dialogo nacional y mundial referente maneho cultural. Durante e sesionnan, lo wordo trata diferente topico relevante pa cultura, identidad y desaroyo cultural di nos pais Aruba den contexto global.

Mondiacult 2025 ta un plataforma mundial di UNESCO pa reforza e importancia di cultura como un pilar central pa sostenibilidad y desaroyo di comunidannan. Aruba,

manera parti di e dialogo global, lo tin su bos y contribucion por medio di e encuentro local aki.

Registracion

Interesadonan por registra via: <https://forms.office.com/r/ay7WxYhtxs>

Departamento di Cultura Aruba ta invitaturactornan cultural, institucionnan, artistanan, y comunidad en general pa forma parti di e dialogo aki y contribui na un futuro cultural sostenibel pa Aruba.



MONDIACULT 2025

Bo ta ser invita pa un encuentro unda lo tin e oportunidad pa contribui na Maneho Cultural Mundial y di Pais Aruba.

Diabierna, 12 September 9AM-12PM
Localidad: Crisis Management Office/CMO, Wayaca 33-E, Oranjestad

Lo dialoga tocante diferente topico. Registra aki:
<https://forms.office.com/r/ay7WxYhtxs>

ACCIDENTE DI CADENA CU 4 AUTO ENVOLVI Y UN PERSONA HERIDA BANDA DI WENG KEE NA PIEDRA PLAT



Diamars atardi a drenta informe di un accidente cu hende herida banda di Weng Kee na Piedra Plat mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente di cadena unda 4 auto a dal

tras di otro. E auto mas dilanti un Toyota Rav riba e caminda pa bay ariba a para pa duna un auto pa subi e caminda y e Toyota Yaris no a ripara esey y a bay dal tras di e Rav, tras di e Yaris e Hyundai Grand i10 su tras a bay dal tras di e Yaris y consecutivamente


un di 4 auto Toyota a bay dal tras di e Grand i10.

Debi na e multiple impacto e persona den e Yaris a resulta herida.

Na yegada di e ambulans a atende e victima na e sitio mes.



AUTO A PONE SEÑAL PA BIRA PERO E MOTOCICLISTA SU TRAS NO A RIPARA Y A BAY DAL SU TRAS



Diamars atardi a drenta informe di un accidente cu hende herida dilanti ex-Bushiri Hotel, mesora a dirigi tanto polis como

ambulans na e sitio. Na yegada di e patruya a bin compronde cu aki ta trata di un accidente

unda cu e chauffeur di un Suzuki Celerio bayendo pabao a pone señal pa bira pero e motociclista su tras no a ripara esey y ela bay

dal tras di e Celerio y a dal abao. Debi na e caida e motociclista a resulta

herida na prome instante a pidi pa ambulans pero despues a cancele ora cu ta djies algun rasca minimo ela haya.

RESULTADO DI TAEKWONDO TEAM ARUBA NA PRESIDENTS CUP NALIMA PERU



Den fin di siman Jourdé Klaber, Rachid Erasmus y nan Coach Master Yoshmar Wever a participa den e Presidents Cup na Lima, Peru pa

purba gana un wild card pa Pan Americano 2026.

Yoshmar Wever a participa den e technical meeting cu a wordo duna na ingles, sigui pa campeonato di forma "Poomsea".

Dia 6 di September Jourdé Klaber a bringa den e categoria di Adulto di -63 kilo cu un total di 47 participante den e categoria ey. Jourdé Klaber a bringa su prome pelea contra di Lito Godolphin di Merca y Jourdé Klaber a gana 11-1. Despues Jourdé Klaber a topa e Brasileiro Kauan Ferreira. Jourdé Klaber a duna di su banda, pero a

perde e prome rond 2-0. Den e di dos rond Jourdé Klaber a ataca hopi, pero a bin ta perde e rond 5-4 y por a bay cambia paña numa y sigui wak e otro peleanan.

Dia 7 di September tabata dia di Rachid Erasmus cu a bringa den e categoria di Cadet -37 cu un total di 9 participante den su categoria. Rachid Erasmus a topa cu Juan Pablo Marin for di Colombia.

Rachid Erasmus a cuminsa cu su atakenan, pero e Colombiano tabata un cabes mas grandi y hopi mas avansa den su contra atakenan y asina e prome rond a termina 8-0 pa Juan Pablo Marin for di Colombia. Den e di dos rond Rachid Erasmus a bin mas agresivo y a logra 3 punto, pero e Colombiano a sigui mas fuerte cu su contra atakenan y logra su puntonan y asina e di dos rond a termina 9-3 pa e Colombiano. Yoshmar Wever ta satisfecho cu dos atleta di Taekwondo Team Aruba a

participa den e Presidents Cup y a logra gana mas experiencia. Taekwondo Team Aruba ta gradici na Pueblo cu a cumpra rifa di e Television y na

tur automobilista cu a pasa duna algo durante cu e adultonan ta para colecta ariba e brug di Renaissance cu nan permiso pa collect.

Gradicimento y Invitacion

Pa medio di esaki famia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entierro di nos defunto stima:



ZELDA MIRIAM STEENEN

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico. Tambe na Aurora Funeral Home pa cu su bon servicio y atencion.

Boso muestra di atenshon tabata un gran consuelo pa nos. Na mes momento nos ta invita famia, bisiña-, amigo- y conocirnan

pa compaña nos na 3 Santo Sacrificio di Misa Birgen di Fátima, Dakota dia:

Diabierna 12 di september 2025 pa 7or pm
Diadomingo 14 di september 2025 pa 6or pm

Boso presencia ta altamente aprecia.


Clasificados



SOLODIPUEBLO@GMAIL.COM
CEL.585 9500



Na Colegio Ora Ubao mucha a pega cu awa y tin problema pa hala rosea



Diamars mainta a drenta informe di cu na Colegio Ora Ubao un mucha a pega cu awa y awor tin problema pa hala rosea y ta haya gana di saca, mesora a dirigi un ambulans na e sitio. Na yegada di e ambulans mesora a pone e mucha den ambulans y a cuminsa yud’e p’e hala rosea mientras a transporte pa hospital.

Clasificados





SOLODIPUEBLO@GMAIL.COM
CEL.585 9500



Invitacion pa un Tridiüm na Honor di Señor de los Milagros di Buga y Mama Maria Dolorosa




Grupo di nobena y Cas di Oracion “Cu Confiansa y Fe den Señor de Los Milagros di Buga” bou guia di Filomena Croes, Glenda y Shon Pe Krozendijk y nos lidernan Spiritual Reverendo Pastoor Jozef Pelc y Reverendo Diacono Michael Nicolaas di parokia Birgen di Fatima Dakota, ta invita tur fiel deboto, parokianonan y pueblo di Aruba en general pa asisti na Santo Sacrificio di Misa di nos di 20 aña di nos Tridiüm na honor di Señor de Los Milagros di Buga y Mama Maria Doloroso na Misa Birgen di Fatima na Dakota. Cuminsando Diahuebs 11 september te cu diasabra 13 september 2025 pa 5.45 di atardi cu un Santo Rosario .

Triunfo di e Cruz Glorioso y Fiesta di Señor de Los Milagros di Buga ta diadomingo 14 september 2025, cuminsando cu un Santo Rosario pa 4.45 atardi, sigi pa un Santo Sacrificio di Misa Solem pa 6’or atardi. Musica y canto ta na encargo di koor “Amigonan di Hesus “.

Dialuna 15 september Fiesta di Mama Maria Doloroso nos Patrona, 6.45 p.m. tin un Santo Sacrificio di Misa Solem pa 7 ‘or di anochi.

Señor de Los Milagros, Bo a skohe nos pa ta Bo pueblo Santo cu Bo ta stima. Yuda nos pa nos bini hunto cu un curason firme, compacion, misericordia, bondad, humildad, y pasenshi. Trece paz y tranquilidad riba mundo henter, especialmente nos dushi pais ARUBA.



A BAY SOSEGA DEN BRASA DI SEÑOR

FRANKLIN ANDRÉE LEÁÑEZ

14 MARCH, 1943 - 7 SEPTEMBER, 2025

Manera ta deseo di e difunto, cremacion ta tuma luga den seno familiar riba diasabra 13 di september 2025 na Olive Tree Funeral Home na Piedra Plat y lo hib’e despues na su ultimo luga di sosiego na Corsou.

Ta ricibi bishita di condolencia riba diasabra 13 di september 2025 for di 9:00 am pa 11:00 am na Olive Tree Funeral Home na Piedra Plat

No ta ricibi bishita di condolencia na cas.

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia 🎡 - September 10, 2025


Sorteo # 4738
1893
3164
2260

X5

Sorteo # 4738
1094

X3

Sorteo # 2794
5876

Sorteo # 4738
2261
Sagitario

Sorteo # 1612
781

X2

	
Sorteo #	Joker Letter
0 x Jackpot	Proximo Jackpot
0 x Match 4+	625.000,-
0 x Match 4	
0 x Afl. 12,00	
	
Sorteo #	Proximo Jackpot
0 x Jackpot	52.000,-
0 x Match 4	
0 x Afl 8,00	

	
Sorteo #	Mega Ball
0 x Jackpot	Proximo Jackpot
0 x match 4	1.250.000,-
0 x Afl. 500,00	
0 x Afl 50,00	
0 x Afl.15,00	
	Afl. 1.925.000,-
	
Sorteo #	



Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado: Sorteo di Anochi - September 10, 2025


Sorteo # 8644
7559
2503
4236

FP

Sorteo # 7688
7325

X3

Sorteo # 2393
2988

Sorteo # 6447
7065
Leo

Sorteo # 1377
086

X5

	
Sorteo #	Joker Letter
0 x Jackpot	Proximo Jackpot
0 x Match 4+	625.000,-
0 x Match 4	
0 x Afl. 12,00	

	05-06-10-21-23
Sorteo # 6943	Proximo Jackpot
0 x Jackpot	52.000,-
7 x Match 4	
222 x Afl. 8,00	

	13-15-18-23
Sorteo # 2626	Mega Ball 09
0 x Jackpot	Proximo Jackpot
3 x match 4	1.250.000,-
15 x Afl. 500,00	
291 x Afl. 50,00	
421 x Afl. 15,00	

	Afl. 1.925.000,-
MEGA PLUS	



Sorteo #



FEDERACIONNAN DEPORTIVO TA TRAHA PA MEHORA CONOCIMIENTO RIBA TUR TERENO DI MANEHO

Capacity Building
Training Fase II ta sigui cu
e enfoke riba finanzas pa
federacionnan local

Dialuna anochi ultimo a continua cu e lesnan di Capacity Building Training Fase II, unda cu e siguiente grupo di federacionnan a trata e tema di presupuesto, maneho financiero y con pa incorpora esaki dentro di e proyecto di traha un plan strategico. Comité Olimpico Arubano (COA) ta contento di por tin Ernst&Young (EY) presente pa asina presenta e topico aki y alabes yuda cu e proyecto durante e les door di contesta cualkier pregunta cu e federacionnan por tin.

Rodney Danje di EY ta
conta un poco mas di e
anochi informativo aki y
ta gradici tur federacion cu
a participa activamente.
#TEAMARU



FORTALEZA PA FAMILIA

Scirbi pa Pastor Marcel Balootje.

TA TEMPO PA CAMBIA BO BISTI

Aunke hopi hende no ta kere pero bo forma di bisti ta indentifica bo, e por gañabo, e por duna otro hende un impresion negativo di bo. pasobra bistimento semper mester keda den un forma decente, cu ta representa bo personalidad cu seriedad. Dunando gloria na nos Creador.

Laga nos pone e cos cla manera e mester ta: Ora un Hoben/Hobencita ta cana indecente bisti ta su Mayornan mester dune educacion tocante bistimento, y no dune solamente placa pa cumpra paña pero tambe siñe kico ta adecuado pa bisti, como yiu di hende drechi y decente..

Si un muher ta cana hunto cu un homber y e ta indecente bisti, por nifica cu e homber no ta balora locual cu e tin, pasobra ningun caminda bo no ta haña diamanta riba tera, of e muher no ta somete na e homber, of nan ta kere mas den moda cu den Dios, etc.

Tambe tin awor e show di tattoo, pasobra un tattoo no ta wordo poni na un hende su curpa pa e wordo scondi, pasobra ta placa tira afo, awor tin hopi hende ta pone tattoo na lugarnan priva y despues ta expone e parti priva ey di nan curpa pa tur hende por mira nan tattoo. Y nan ta haci esaki concientemente, locual ta indica e deseo di exposicion. Asina e enemigo ta tuma control.

Corda tene cuenta cu nos



curpa ta e tempel di Dios y e Spirito di Dios ta biba den dje.(1Corintionan 6 :19+20)

Nos por haci hopi cambio na e parti exterior di nos curpa, pero e parti interior ta solamente Dios por cambie, y mas awor cu henter mundo por realisa cuanto balor mente y curazon di hende tin, y con e enemigo ta ataca e mente y e curazon constantemente pa asina cohe e dominio riba e bida.

Tene bon cuenta cu e siguiente advertencia y recomendacion.;

Efesionan 4:22-24 ta bisa:

Pa encuanto boso manera di biba di antes, boso pone un banda e hende bieu cu ta wordo corumpi conforme e pasionnan engañoso.

Y pa boso wordo renoba den e spirito di boso mente, y pa boso bisti e hende nobo, cu ta wordo crea segun Dios den husticia y santidad berdadero.

Romanos 13:13+14 ta bisa: Laga nos comporta nos mes decentemente manera den dia, no den parandiamiento y den buracheria, no den inmoralidad sexual y den sensualidad, no den pleito y envidia. Ma bisti boso cu Señor Hesus Cristo, y no haci provision pa e

carni, pa cumpli cu su mal deseonan.

Colosensenan 3 vers 8-12 ta bisa: Ma awor boso mester pone un banda, rabia, furia, malisia, calumnia, y palabra sushi for di boso boca.

No gaña otro, como boso a pone un banda e hende bieu cu su practicanan malbaldo.

Y bisti e hende nobo cu ta wordo renoba cu un conocimiento berdadero segun e imagen di Esun cu a crea, cual ta Dios.

Asina manera esnan cu a wordo scohi di Dios, santo


y stima, bisti un curason di compasion, cariño, humildad, mansedumbre y pasenshi.


Dios ta traha paden di nos cu Su Spirito Santo, y asina nos por expresa Su boluntad den nos bida. Tur cambio, cual ta hiba na desencia y ordo den nos bida spiritual y fisico ta cuminsa paden, pasobra manera un hende ta pensa asina e ta.

Asina nos pensamiento y nos curason wordo renoba nos bida ta cambia, pero nos mester habri nos curason pa Cristo Hesus tuma control, y asina conoce Su boluntad perfecto.

SOPI DI LETRANAN


CUADRADO


RECTANGULO


TRIANGULO


CIRCULO


ROMBO


CORAZON


ESTRELLA


OVALO

A	C	T	A	C	D	R	O	S	T	E
S	O	F	E	I	B	V	A	M	O	S
C	R	L	L	R	V	O	N	I	L	T
T	A	D	A	C	F	L	O	S	G	R
I	Z	V	O	U	O	L	A	S	N	E
M	N	T	A	D	D	G	C	S	A	L
Q	C	U	H	C	R	N	J	S	T	A
L	N	L	A	K	B	A	D	O	C	I
E	M	M	B	O	A	T	E	P	E	P
A	O									



Oracion di dia

Un feliz dia yena di hopi fe y speransa den nos bon Dios

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. ”...pa nan tambe confia denSEÑOR, no lubida Dios su obranan grandi...”(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di
Bo Maraviya.
Y inspira nan pa nan sigui conta na e siguiente generacion.
Amen.

SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

Bob's Car-wash & Service
Balashi 9 B

Cell.# 560-8568
1 Snack Free

5 TIPS PA DOÑONAN DI MASCOTA DURANTE MAL TEMPO

1. Tishen un "hurricane safety plan" pa bo familia. Es prepara y inclui bo mascotan den dje. Kisa: nunca bo lo haci uso di dje pero "better be safe than sorry". Didi e accion di a seccionnan pa un "worst case scenario" y persua pa por ehecuta e plan ald na cualquier momento teniendo cuenta cu tur cos cu lo haci lo mejor ta facil y accesible pa por conta pa 2 siman, pa:

- Awa, euminda, algo pa pone awa y euminda den dje
- Cualquier remedi cu e mascota ta usando riba dje incluyendo su tratamiento contra carpaia, pulga y karaturni (check fecha di expiration)
- Un pet carrier
- Un katebale cu su valling
- Saco di plastic pa pone nan cosu aden
- Extra leash
- Un coy hurga
- Buk di vacuna
- Skiper un potret di bo mascota

2. Porsua pa bo mascota tin un caminda pa accede pa awa

3. Porsua pa bo mascota tin un caminda cu e por cinto algun si e haya stress di tempo cu stress

4. Porsua pa bo mascota cu vacunanan ta up to date pa nan ta bon proteta contra malesanan infeccioso cu por sangi especialmente ora awa yab hopi

5. Porsua pa bo mascota tin un microchip. Clend un banchi cu su datonan por yuda pero en caso e mascota perde e banchi aki, por trata e info bel: via e microchip, contal cu bo info ta up to date

I Love My PET

Shima Mi Mascota

BON NOTICIA

BIJBEL TA BISA, CU HESUS A LANTA UN SOLO IGLESIA NA HERUSALEM

Bijbel Exodo 24: 7- 8, den e Evangelio aki, Dios Tata a cera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, pa bira e prome Rey di Israel. Dios Tata a priminti Rey David cu su sucesornan, nan lo ta pa semper encabesa e Reino di Dios. Bijbel Mateo 26: 26 – 28, den e ultima cena Hesus a bisa Su apostelnan: "Boso tur bebe for di e copa di binja aki, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan." Akinan Hesus ta confirma Su Sacrificio y morto na crus, deramando Su Sanger precioso, pa e Aliansa Nobo di Dios Tata, cu ta e pueblo Nobo di Israel. Bijbel Lucas 1: 32 – 33, ta bisa: "Senyor Dios lo duna Hesus e trono di Su antepasado Rey David y te den eternidad lo E ta Rey di e descendientenan di Jacob y Su Reino lo no tin fin." Bijbel Mateo 16: 15 – 19: "Hesus a puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis'e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsan den fierno lo no podera di dje. Lo Mi duna bo e yabanan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo ta

permitti den Cielo tambe." Akinan Hesus ta bisa bon cla, Mi Iglesia, osea un solo Iglesia y no Iglesianan. E demonionan den fierno lo lanta diferente sectanan na mundo, pa podera y pa kibra e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel di Su Iglesia. Hesus a duna Pedro e yabanan di Reino di Cielo y esaki ta significa, cera of habri e unico portanan pa laga e almanan drenta den Reino di Cielo. Hesus a duna e autoridad na Pedro pa dirigi Su Iglesia, di loke ta permiti y di loke ta prohibi.

Bijbel Marco 16: 15 – 16, aki Hesus ta bisa Su apostelnan: "Sali pasa na henter mundo y predica e Evangelio pa henter humanidad." E palabra, sali pasa na henter mundo y predica e Evangelio pa henter humanidad, ta significa, Universal, Hesus Su Iglesia ta Universal. E Iglesia Universal di Hesus, ta e pueblo Nobo di Israel di Dios Tata den e Aliansa Nobo.

Awor, tur e sectanan na mundo y e Hudiunan mes, nan mester kere den Cristo-Hesus y nan mester drenta y bautisa den E Iglesia Universal di Hesus, pa nan por drenta den e Reino di Cielo. Hesus a duna Su apostelnan, Su doctrinanan di Gracianan di salvacion pa Iglesia: Bautismo Mateo 28: 19 – 20, Confirmacion Echonan di Apostelnan 2: 1 – 4, Confesion Huan 20: 23, Eucaristia Lucas 22: 19 –

29, Matrimonio Mateo 19: 4 – 6, Apostolado Marco 3: 13 – 19, Enfermonan Hacobo 5: 14 – 15. Awor puntra bo mes, ta di con tin tanto sectanan na mundo y mientras ta un Iglesia Hesus a lanta? Na anja 1521, Martin Lutero, a inventa e teoria di e interpretacion liber di Bijbel. E interpretacion liber aki, a produci 36.000 diferente sectanan y oposicionnan na mundo. Tur e sectanan aki, ta pretende di ta di Hesus. Durante tempo, hopi di nan a lanta nan mesun religionnan y predicando e Bijbel den nan mesun manera y buscando hendenan debil den fe pa sigi nan. di Bijbel Echonan Apostelnan 20: 28 – 30, carta di San Pablo na su coleganan Apostelnan: "Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senyor, na cual E'l a gana cu Su propio Sanger. Mi sabi cu despues di mi partida, lo drenta lobonan feros cu lo no tene compasion cu e rebanjonan y cu denter di boso mes, lo surgi hendenan cu lo sinja doctrinanan robes y nan lo gana discipelnan nan tras."

Ta manera cu Hesus a bisa den, Bijbel Mateo 16: 18, cu forsan den fierno lo purba podera y kibra e Unico Iglesia Universal di Hesus, pero nan lo no logra. Husga pa bo mes. Nunca no ta laat pa compronde e berdad y pa comberti. Scirbi pa Seferino Tromp Un mensahero di Dios.